


Maya, 4j.



suechet äs nöiies Daheime mit Freigang/Garte

Hoi Du da

Ja, Diig mein ig, ig cha Dir grad nid i'd Ouge luege, bi e mega Liebi abr es bitzeli ARG schüech. Ig heisse Maya u bi uf dr Suechi nach eme nöiie Daheime. Warum? Mis liebs Froueli isch gsundheitlech aagschlage u cha mir nüm so grächt wärde, wie ig's brüüchti. Usserdeem chan ig hie nid usse u das wott ig scho gärn, zmindest ine gsicherete Garte. Itze suechet mis Froueli es Plätzli für mi, damit ig wiedr glücklech wärde cha. Drum!

Ig bi 4jährig, kaschtriert, gimpft, gsung, schtuberein, guet erzoge, aahänglech u möschebezoge. Wenn ig bi aacho u mi woufüeu! Aafangs bin ig nämlech mega schüech, s'cha duure, bis ig zutroulech wärd. Probier's doch mou mit Schpiue, das lieb ig grad sähr. Schmüesele mag i ou u bi Dir i Dim Bettli pfluuse. Dörft ig das bi Dir? Ig sueche drum iifüelsami, chatzefahreni Lüüt, am liebschte e Frou (Manne machet mir nöime Angscht), die wo zu mir lueget u mi i mim Tempo laht aachoh. Ig chenne nur d'Wohnig, möcht abr usse, das sieht sooo schpannend us da dusse. En gsicherete Garte wär perfäkt. Odr verkehrersarmi Gägend ufm Land mit Wiese u Fäuder. Ching u Hung ma gig nid im nöiie Daheime, sy mir z'strässig! E angeri, ganz e liebi Chatz chönnt gah.

Chöntisch Du mir so öppis biete? U wohnsch Du ir verkehrersarmi Umgäbig odr hesch Du en gsicherete Garte? MIN Garte? Mit Törli? Hesch Du viu Ziit u Geduud u bisch Du oft dihei? U chriegsch Du nid die Chriise, we mou es Gschäftli us Schräck danäbe geit? Ig mach's ja nid absichtlech, ährlech, das isch dr Schträss am Aafang. Abr das wär's. Denn chönnt das bi Dir mis nöiie Daheime sy, denn müeset mir üs unbedingt lehre chenne. Ig wohne im Moment no z'St. Gallen/SG, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig fröie mi scho ganz fescht uf Di, ou wenn ig's grad no nid so cha zeige!

Dini Maya



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch